



საქართველოს ტექნიკური უნივერსიტეტი
GEORGIAN TECHNICAL UNIVERSITY

დამტკიცებულია
სტუ-ს აკადემიური საბჭოს
2012 წლის 26 ივლისი
№754 დადგენილებით
მოდულიზებულია
სტუ-ს აკადემიური საბჭოს
2021 წლის 24 ივნისი
№01-05-04/76 დადგენილებით

დოქტორანტურის საგანმანათლებლო პროგრამა

პროგრამის სახელწოდება

სოციალური მეცნიერებები

Social Sciences

ფაკულტეტი

საინჟინრო ეკონომიკის, მედიატექნოლოგიებისა და სოციალურ მეცნიერებათა ფაკულტეტი

Faculty of engineering economics, media technologies and social sciences

პროგრამის ხელმძღვანელი/ხელმძღვანელები

პროფესორი იაშა კუტუბიძე

მისანიჭებელი კვალიფიკაცია და პროგრამის მოცულობა კრედიტებით

სოციალური მეცნიერებების დოქტორი
(Doctor of Social Sciences)

მიენიჭება საგანმანათლებლო პროგრამის სასწავლო კომპონენტის (30 კრედიტი) და კვლევითი კომპონენტის შესრულების შემთხვევაში; სწავლის ხანგრძლივობა არანაკლებ 3 წელი.

სწავლების ენა

ქართული

პროგრამაზე დაშვების წინაპირობა

სოციალური მეცნიერებების სადოქტორო პროგრამაზე სწავლის უფლება აქვს პირს, რომელიც ფლობს მაგისტრის კვალიფიკაციას ან მასთან გათანაბრებულ აკადემიურ ხარისხს (სწავლის სფეროების კლასიფიკატორის ფართო სფეროს 03 სოციალური მეცნიერებები, ჟურნალისტიკა და ინფორმაცია) სტუ-ში არსებული წესის შესაბამისად აკმაყოფილებს დოქტორანტურაში ჩარიცხვის მოთხოვნებს. მხედველობაში მიიღება: სამეცნიერო პუბლიკაციების არსებობა, სამეცნიერო კონფერენციებში მონაწილეობა, სასწავლო/კვლევით საქმიანობასთან დაკავშირებული სხვა დოკუმენტები და მასალები (სერტიფიკატები, სიგელები, პატენტები და ა.შ.)

პროგრამაზე ჩარიცხვის მსურველმა უნდა წარმოადგინოს: კვლევითი პროექტი, სადაც გამოიკვეთება აპლიკანტის კვლევის მიზანი და მიმართულება; ინგლისური ენის B2 დონეზე ცოდნის დამადასტურებელი შესაბამისი საერთაშორისო სერტიფიკატი, ან უნდა ჩააბაროს გამოცდა სტუ-ის

საგამოცდო ცენტრში. აპლიკანტს, რომელსაც უმაღლესი განათლება მიღებული აქვს ინგლისურ ენაზე, სერტიფიკატის წარმოდგენა ან გამოცდის ჩაბარება არ მოეთხოვება.

ინგლისურ ენაში დადებითი შეფასების მიღების შემთხვევაში აპლიკანტი გადის გასაუბრებას საფაკულტეტო დროებით კომისიასთან.

დოქტორანტურაში მიღების წესი და ჩარიცხვის პირობები განთავსებულია უნივერსიტეტის ვებ-გვერდზე:

<https://gtu.ge/Science/doctorantura.php>

პროგრამაზე მობილობის წესით ჩარიცხვა შესაძლებელია საქართველოს განათლებისა და მეცნიერების სამინისტროს მიერ დადგენილ ვადებში, სავალდებულო პროცედურებისა და უნივერსიტეტის მიერ დადგენილი წესების დაცვით.

პროგრამაზე ჩარიცხვა, ან გადმოყვანის წესით ჩარიცხვა უცხო ქვეყნის აღიარებული უმაღლესი საგანმანათლებლო დაწესებულებიდან ხორციელდება საქართველოს კანონმდებლობით განსაზღვრული წესის შესაბამისად.

პროგრამის აღწერა

პროგრამა შედგენილია ECTS ევროპული კრედიტების ტრანსფერის სისტემით. 1 კრედიტი უდრის 25 საათს, რომელშიც იგულისხმება როგორც საკონტაქტო, ასევე დამოუკიდებელი მუშაობის საათები. კრედიტების განაწილება წარმოდგენილია პროგრამის სასწავლო გეგმაში.

პროგრამა გრძელდება არანაკლებ 3 წელი (6 სემესტრი). 30 კრედიტი ეთმობა სასწავლო კომპონენტს.

პირველი სემესტრი მოიცავს 4 ძირითად სასწავლო კურსს. ესენია: 1. სამეცნიერო კომუნიკაციის ტექნიკა - 4 კრედიტი; 2. სწავლების მეთოდები - 6 კრედიტი; 3. სოციალური კვლევის მეთოდები - 10 კრედიტი;

მეორე სემესტრი მოიცავს ერთ სავალდებულო სასწავლო კურსს - პროფესორის ასისტენტობა - 10 კრედიტი.

პროგრამის კვლევითი კომპონენტის სავალდებულო ელემენტებია: პროექტი/პროსპექტუსი; კოლოკვიუმი - 1; კოლოკვიუმი - 2; კოლოკვიუმი - 3; წინასწარი დაცვა; დისერტაციის დასრულება და დაცვა.

დოქტორანტი კვლევითი კომპონენტების მომზადებას იწყებს **მეორე სემესტრიდან:** პროექტი/პროსპექტუსი; **მესამე სემესტრი:** კოლოკვიუმი - 1; **მეოთხე სემესტრი:** კოლოკვიუმი -2; **მეხუთე სემესტრი:** კოლოკვიუმი -3; **მეექვსე სემესტრი:** წინასწარი დაცვა, დისერტაციის დასრულება და დაცვა.

სამეცნიერო-კვლევითი კომპონენტი ფასდება ერთჯერადად, დისერტაციის დაცვის დროს.

საქართველოს ტექნიკური უნივერსიტეტის დოქტორანტურის დებულება და „დოქტორანტურის საგანმანათლებლო პროგრამების სასწავლო და კვლევითი კომპონენტები და მათი შეფასების წესი“ დეტალურად იხილეთ სტუ-ის ვებ გვერდზე:

https://gtu.ge/Learning/doq_debuleba.php

სასწავლო წელი შედგება ორი – საშემოდგომო და საგაზაფხულო სემესტრისაგან. შუასემესტრული და დასკვნითი/დამატებითი გამოცდების ვადები დგინდება ყოველი სემესტრის დასაწყისში რექტორის ბრძანებით „საქართველოს ტექნიკურ უნივერსიტეტში სასწავლო პროცესის მართვის ინსტრუქციის“ საფუძველზე, რომელიც განთავსებულია სტუ-ის ვებ გვერდზე <https://gtu.ge/Orders/>

პროგრამის მიზანი

სადოქტორო პროგრამის მიზანია სოციალურ მეცნიერებათა განხრით მაღალკვალიფიციური აკადემიური კადრების (დოქტორანტების) მომზადება ადგილობრივი და საერთაშორისო სამეცნიერო სფეროსა და უმაღლესი სასწავლო დაწესებულებებისათვის. აგრეთვე სხვა სამუშაოსთვის, რომელიც მოწინავე ინტერდისციპლინურ სოციალურ-მეცნიერულ ცოდნასა და ანალიტიკურ, კვლევით უნარებს მოითხოვს.

სწავლის შედეგები/კომპეტენტურობები (ზოგადი და პროფესიული)

- **გეგმავს** და დამოუკიდებლად ახორციელებს სოციალურ კვლევას რაოდენობრივი და თვისებრივი მეთოდებითა და ანალიტიკური მიდგომების ინოვაციური სინთეზით;
- **იყენებს** რელევანტურ მეთოდოლოგიასა და ემპირიული კვლევის შედეგებს გადაწყვეტილებათა მიღების პროცესში, სამეცნიერო ნაშრომების, კვლევითი პროექტების დამოუკიდებლად დაგეგმვისა და შესრულებისას;
- **კრიტიკულად აანალიზებს** რთულ და წინააღმდეგობრივ იდეებს და მათ საფუძველზე ახალ კვლევით ან ანალიტიკურ ხედვებსა და მიდგომებს შეიმუშავებს;
- **ახდენს** ახალი ცოდნის არსებულ ცოდნასთან შემოქმედებით ინტეგრაციას და კვლევის შედეგებს გადასცემს როგორც კოლეგებს, ასევე დაინტერესებულ საზოგადოებას;
- **ამზადებს** ჩატარებული თეორიული და ემპირიული კვლევის საფუძველზე, საკვლევი თემატიკის შესაბამის სასწავლო-მეთოდურ მასალებს და ახდენს მათ სათანადო ინტერპრეტაციასა და პრეზენტაციას;
- დამოუკიდებლად **წარმართავს** სასწავლო პროცესს სწავლებისა და შეფასების თანამედროვე მეთოდებით, ტექნოლოგიებითა და სტუდენტზე ორიენტირებული მიდგომების გამოყენებით;
- აკადემიური კეთილსინდისიერების დაცვით **ახორციელებს** სოციალურ მეცნიერებებში უახლეს მიღწევებზე დამყარებულ სამეცნიერო აქტივობებს.

სწავლის შედეგების მიღწევის (სწავლება-სწავლის) მეთოდები

☒ ლექცია ☒ სემინარი (ჯგუფში მუშაობა) ☐ პრაქტიკული ☐ ლაბორატორიული ☒ დამოუკიდებელი მუშაობა ☒ კონსულტაცია ☒ კვლევითი კომპონენტი ☒ დისერტაციის გაფორმება ☒ დისერტაციის დაცვა

სწავლის პროცესში კონკრეტული სასწავლო კურსის სპეციფიკიდან გამომდინარე, გამოიყენება სწავლება-სწავლის მეთოდების ქვემოთ მოცემული შესაბამისი აქტივობები, რომელიც ასახულია შესაბამის სასწავლო კურსის პროგრამებში (სილაბუსებში):

1. დისკუსია/დებატები; 2. პრობლემაზე დაფუძნებული სწავლება (PBL); 3. შემთხვევების შესწავლა(case study); 4. ჯგუფური მუშაობა; 5. გონებრივი იერიში (Brain storming); 5. დემონსტრირების 6. ინდუქციური; 7. დედუქციური; 8. ანალიზის; 9. სინთეზის; 10. ვერბალური ანუ ზეპირსიტყვიერი მეთოდი; 11. წერითი მუშაობის; 12. ახსნა-განმარტებითი; 13. ქმედებაზე ორიენტირებული; 14. პროექტის შემუშავება და პრეზენტაცია.

სტუდენტის ცოდნის შეფასების სისტემა

შეფასება ხდება 100 ქულიანი სისტემით.

სასწავლო კომპონენტის შეფასება:

დადებითი შეფასებები:

- (A) - ფრიადი - შეფასების 91-100 ქულა;
- (B) - ძალიან კარგი - შეფასების 81-90 ქულა;
- (C) - კარგი - შეფასების 71-80 ქულა;
- (D) - დამაკმაყოფილებელი - შეფასების 61-70 ქულა;
- (E) - საკმარისი - შეფასების 51-60 ქულა.

უარყოფითი შეფასებები:

- (FX) - ვერ ჩააბარა - შეფასების 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;
- (F) - ჩაიჭრა - შეფასების 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას საგანი ახლიდან აქვს შესასწავლი.

სამეცნიერო-კვლევითი კომპონენტი/კომპონენტების შეფასება:

- ა) ფრიადი (summa cum laude) – შესანიშნავი ნაშრომი;
- ბ) ძალიან კარგი (magna cum laude) – შედეგი, რომელიც წაყენებულ მოთხოვნებს ყოველმხრივ აღემატება;
- გ) კარგი (cum laude) – შედეგი, რომელიც წაყენებულ მოთხოვნებს აღემატება;
- დ) საშუალო (bene) – საშუალო დონის ნაშრომი, რომელიც წაყენებულ ძირითად მოთხოვნებს აკმაყოფილებს;
- ე) დამაკმაყოფილებელი (rite) – შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს;
- ვ) არადამაკმაყოფილებელი (insufficient) – არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს მასში არსებული მნიშვნელოვანი ხარვეზების გამო;
- ზ) სრულიად არადამაკმაყოფილებელი (sub omni canone) – შედეგი, რომელიც წაყენებულ მოთხოვნებს სრულიად ვერ აკმაყოფილებს.

დასაქმების სფერო

სოციალურ პრობლემებზე მომუშავე სამთავრობო და არასამთავრობო, ადგილობრივი და საერთაშორისო ორგანიზაციები, სოციალური მეცნიერებების სასწავლო პროგრამების მქონე უმაღლესი სახელმწიფო და კერძო სასწავლებლები; სამეცნიერო/კვლევითი ცენტრები, სოციალური კონსულტაციის ცენტრები, სოციალური სტატისტიკისა და ანალიტიკური სამსახურები, მასმედიის საშუალებები, პრესცენტრები, საზოგადოებასთან ურთიერთობის სამსახურები, სოციალური სააგენტოები, სოციალური იმიჯის შემქმნელი ცენტრები და ა.შ.

პროგრამის განხორციელებისათვის აუცილებელი ადამიანური და მატერიალური რესურსი

სადოქტორო პროგრამით გათვალისწინებული მიზნებისა და სწავლის შედეგების მიღწევის შესაძლებლობა უზრუნველყოფილია შესაბამისი მატერიალურ-ტექნიკური ბაზით. დამატებითი ინფორმაცია იხილეთ თანდართულ დოკუმენტებში.

პროგრამას თან ახლავს დოქტორანტების ხელმძღვანელისა და პროგრამაში ჩართული პროფესორ-მასწავლებლების CV.

თანდართული სილაბუსების რაოდენობა: 9

პროგრამის საგნობრივი დატვირთვა

№	სასწავლო და კვლევითი კომპონენტები	დამგების წინაპირობა	ECTS კრედიტი						
			I წელი		II წელი		III წელი		
			სემესტრი						
			I	II	III	IV	V	VI	
1	სამეცნიერო კომუნიკაციის ტექნიკა	არ აქვს	4						
2	სწავლების მეთოდები	არ აქვს	6						
3	სოციალური კვლევის მეთოდები	არ აქვს	10						
4	პროფესორის ასისტენტობა	სწავლების მეთოდები		10					
სასწავლო კომპონენტი სემესტრში:			20	10	-----				
სასწავლო კომპონენტი სულ:			30		-----				
კვლევითი კომპონენტი			-						

პროგრამის სასწავლო გეგმა

№	საგნის კოდი	საგანი	ESTS კრედიტი/საათი	საათი						
				ლექცია	სემინარი (ჯგუფში მუშაობა)	პრაქტიკული	ლაბორატორიული	შუასემესტრული გამოცდა	დასკვნითი გამოცდა	დამოუკიდებელი მუშაობა
1	EDU10312G1-LS	სამეცნიერო კომუნიკაციის ტექნიკა	4/100	15	15			2	4	64
2	EDU10912G1-LS	სწავლების მეთოდები	6/150	30	30			1	2	87
3	SOS47812G1-LSK	სოციალური კვლევის მეთოდები	10/250	30	45			2	2	171
4	SOS47712G1-R	პროფესორის ასისტენტობა	10/250			75			2	173

პროგრამის ხელმძღვანელი:

იაშა კუტუბიძე

საინჟინრო ეკონომიკის, მედიატექნოლოგიებისა და
სოციალურ მეცნიერებათა ფაკულტეტის
ხარისხის უზრუნველყოფის სამსახურის უფროსი

ეკატერინე შაკიაშვილი

ფაკულტეტის დეკანი

ივანე ჯაგოდნიშვილი

მიღებულია

ბიზნეს-ინჟინერინგის
ფაკულტეტის საბჭოს
სხდომაზე
10 მაისი 2011 წელი

შეთანხმებულია

სტუ-ს ხარისხის უზრუნველყოფის სამსახურთან

დავით მახვილაძე

მოდირებულია

საინჟინრო ეკონომიკის,
მედიატექნოლოგიებისა და
სოციალურ მეცნიერებათა ფაკულტეტის
საბჭოს სხდომაზე
2021 წელი, 24 ივნისი
ოქმი №62

ფაკულტეტის საბჭოს თავმჯდომარე

ივანე ჯაგოდნიშვილი